

Տպագրված է ընդամենը 5 օրինակ
ՕՐԻՆԱԿ 4

ՀԱՍՏԱՏՎԱԾ է
« ԴԱՐԵՍԿԻԶԲ »


Սահմանափակ Պատասխանատվությամբ
Ընկերության մասնակիցների
Ընդհանուր ժողովի
№ 01 արձանագրության
' 07 ' 12 199 9թ

Տնօրեն Ա. Բաբայան

ԳՐԱՆՑՎԱԾ է
Ձեռնարկութունների ՊԵՏԱԿԱՆ
ՌԵԳԻՍՏՐՈՒՄ

գրանցման № 264.110.04899
' 21 ' 12 199 9թ
վկայական № 0226 046842
Կոդը 32469909

Պետական Ռեգիստրի Արաբկիրի
Տարածքային ծառայության
մեթոդական



22.12.99

« ԴԱՐԵՍԿԻԶԲ »

**ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
ԿԱՆՈՆԱԴՐՈՒԹՅՈՒՆ**

Երևան – 1999

ԸՆԴՀԱՆՈՒՐ ԴՐՈՒՅԹՆԵՐ

- 1.1 « ԴԱՐԵՍԿԻԶ » սահմանափակ պատասխանատվությամբ ընկերությունը / Յետագայում Ընկերություն / հանդիսանում է 10.01.97թ.-ին ՀՀ Արդարադատության նախարարության կողմից 1/1-5 որոշմամբ գրանցված « ՀԱՅԿԱԿԱՆ ԺԱՄԱՆԱԿ » օրաթերթի խմբագրության իրավահաջորդը, համաձայն խմբագրության հիմնադիրների 01.12.99թ-ի թիվ ____ արձանագրության, հիմք ընդունելով ՀՀ քաղաքացիական օրենսգիրքը: Ընկերությունը համարվում է շահույթ ստանալու նպատակով հիմնադրված առևտրային կազմակերպություն հանդիսացող իրավաբանական անձ, որի կանոնադրական կապիտալը բաժանված է սույն կանոնադրությամբ սահմանված չափերով բաժնեմասերի: Ընկերության մասնակիցները պատասխանատու չեն Ընկերության պարտավորությունների համար և իրենց ներդրած ավանդների արժեքի սահմաններում կրում են Ընկերության գործունեության հետ կապված վնասների ռիսկը:
- 1.2. Ընկերության իրավունակությունը ծագում է նրա ստեղծման / պետական գրանցման / և դադարում է լուծարման ավարտի/լուծարման մասին պետական գրանցամատյանում գրառման /պահից:
- 1.3. Ընկերությունն ունի իր ֆիրմային անվանմամբ կլոր կնիք / հայերեն, ռուսերեն և անգլերեն գրառումներով/, դրոշմներ և բլանկներ, ինչպես նաև օրենքով սահմանված կարգով գրանցված խորհրդանիշ, ապրանքային, առևտրային և այլ նշաններ ու ֆիրմային այլ ռեկվիզիտներ: Ընկերությունն իր գործունեության ընթացքում ղեկավարվում է Հայաստանի Հանրապետության Նախարարների խորհրդի 1991թ. մարտի 5-ի թիվ 162 որոշմամբ հաստատված բաժնետիրական ընկերությունների և սահմանափակ պատասխանատվությամբ ընկերությունների կանոնադրությամբ, Հայաստանի Հանրապետության Քաղաքացիական Օրենսգրքով / այսուհետ՝ Օրենսգիրք/, Հայաստանի Հանրապետության օրենսդրական այլ ակտերով և սույն կանոնադրությամբ:
- 1.5. Ընկերության մասնակիցների և Ընկերության միջև հարաբերությունները կարգավորվում են սույն կանոնադրությամբ:
- 1.6. Ընկերությունն իր պարտավորություններով պատասխանատու է իրեն պատկանող ամբողջ գույքով: Ընկերությունը պատասխանատու չէ իր մասնակիցների պարտավորությունների համար:
- 1.7. Պետական և տեղական ինքնակառավարման մարմինները պատասխանատվություն չեն կրում Ընկերության պարտավորությունների համար: Ընկերությունը պատասխանատվություն չի կրում պետական և տեղական ինքնակառավարման մարմինների պարտավորությունների համար:
- 1.8. Ընկերության ֆիրմային անվանումն է՝
հայերեն լրիվ՝ « ԴԱՐԵՍԿԻԶ » սահմանափակ պատասխանատվությամբ ընկերություն
կրճատ՝ « ԴԱՐԵՍԿԻԶ » ՍՊԸ
- ռուսերեն լրիվ՝ « ДАРЕСКИЗБ » Общество с Ограниченной Ответственностью
կրճատ՝ « ДАРЕСКИЗБ » ООО
- անգլերեն լրիվ՝ « DARESKIZB » Limited Liability Company,
կրճատ՝ « DARESKIZB » LTD Co.
- 1.9. Ընկերության գտնվելու վայրը և իրավաբանական / փոստային / հասցեն է՝
3750____, ՀՀ, Բ. Երևան, Սունդուկյան 23, բն 58

2. ԸՆԿԵՐՈՒԹՅԱՆ ԳՈՐԾՈՒՆԵՈՒԹՅԱՆ ԱՈՒՐԿԱՆ ՈՒ ՆՊԱՏԱԿԸ

- 2.1 Ընկերության ստեղծման նպատակն է բավարարել բնակչության և հասարակության պահանջները արտադրական, սոցիալ-տնտեսական, գիտահետազոտական, տեղեկատվական, խորհրդատվական և այլ բնագավառներում:
- 2.2 Ընկերության գործունեության հիմնական տեսակներն են՝
- ♦ Հրատարակել « ՀԱՅԿԱԿԱՆ ԺԱՄԱՆԱԿ » օրաթերթը և լրատվական այլ միջոցներ՝ թերթեր, ամսագրեր
 - ♦ Հրատարակչական գործունեություն
 - ♦ Ինֆորմացիայի հաղորդակցության, կոմունիկացիոն համակարգերի, այդ թվում համակարգչային, էլեկտրոնային և այլ կապի միջոցների գործունեություն
 - ♦ Համակարգիչների և կազմ տեխնիկայի առևտուր
 - ♦ Թղթի և գրենական պիտույքների առևտուր
- 2.3 Ընկերությունը կարող է իրականացնել օրենքով չարգելված ցանկացած տնտեսական գործունեություն: Օրենքով սահմանված գործունեության առանձին տեսակներով Ընկերությունը կարող է զբաղվել միայն լիցենզիայի / հատուկ թույլտվության / առկայության դեպքում՝ լիցենզիա ստանալու պահից կամ նրանում նշված ժամկետում:

Եթե լիցենզիայի հատկացման պայմաններում նախատեսված է, որ Ընկերությունը բացի լիցենզավորվող գործունեությունից այլ գործունեությամբ զբաղվել չի կարող, կամ սահմանափակումներ են դրվում գործունեության առանձին տեսակներով զբաղվելու վրա, ապա Ընկերությունը լիցենզիայի գործողության ժամկետում իրավունք չունի զբաղվել այլ գործունեությամբ, բացառությամբ լիցենզիայով նախատեսվածների կամ այն գործունեություններով, որոնց մասին նշված է լիցենզիայի մեջ:

2.4 Ընկերությունը իր արտադրանքը, ինչպես նաև ձեռք բերված ապրանքները և մթերքները իրացնելու նպատակով կարող է ունենալ շարժական և անշարժ առևտրական կետեր Հայաստանի Հանրապետությունում և արտասահմանում:

2.5 Նշված բոլոր աշխատանքները և ծառայությունները Ընկերությունը կատարում է պայմանագրային կարգով, եթե գործող օրենսդրությամբ այլ բան չի նախատեսված, ինչպես կանխիկ դրամով, այնպես էլ փոխանցման կարգով, պահպանելով պետականորեն գործող կանոններն ու կարգը:

3. ԸՆԿԵՐՈՒԹՅԱՆ ԻՐԱՎԱԿԱՆ ԿԱՐԳԱՎԻՃԱԿԸ, ԻՐԱՎՈՒՆՔՆԵՐԸ ՈՒ ՊԱՐՏԱԿԱՆՈՒԹՅՈՒՆՆԵՐԸ

3.1. Պետական գրանցման պահից Ընկերությունը ձեռք է բերում իրավաբանական անձի կարգավիճակ: Ընկերությունը, որպես սեփականություն, ունի առանձնացված գույք և իր պարտավորությունների համար պատասխանատու է այդ գույքով, կարող է իր անունից կնքել պայմանագրեր, ձեռք բերել ու իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

Ընկերությունն ունի ինքնուրույն հաշվեկշիռ, Հայաստանի Հանրապետության և օտարերկրյա բանկային հիմնարկություններում հաշվարկային հաշիվներ /դրամով, տարադրամով/:

3.2. Ընկերությունը կարող է լինել այլ ընկերության /այդ թվում՝ դուստր ու կախյալ/ հիմնադիր /մասնակից/, բացառությամբ Օրենսգրքով և այլ օրենքներով նախատեսված դեպքերի:

3.3. Ընկերությունն իրավունք ունի ստեղծել առանձնացված ստորաբաժանումներ /մասնաճյուղեր և ներկայացուցչություններ/, ինչպես Հայաստանի Հանրապետության, այնպես էլ այլ պետությունների տարածքում:

Կառավարչական, սոցիալ-մշակութային, կրթական կամ ոչ առևտրային բնույթի այլ գործունեություն իրականացնելու համար Ընկերությունը կարող է ստեղծել հիմնարկ:

Ընկերության առանձնացված ստորաբաժանումները և հիմնարկները իրավաբանական անձինք չեն և գործում են Ընկերության հաստատած կանոնադրությունների հիման վրա, իսկ նրանց ղեկավարները գործում են Ընկերության լիազորագրի հիման վրա:

3.4. Ընկերությունն իրավունք ունի.

- ՀՀ օրենսդրությամբ չարգելված ցանկացած ձևերով ձեռք բերել գույք, այդ թվում արժեթղթեր, տիրապետել, օգտագործել ու տնօրինել դրանք և դրանցից ստացված եկամուտը կամ այլ օգտակար արդյունքը,
- ինքնուրույն կազմավորել իր ֆինանսական ռեսուրսները, այդ թվում փոխառու միջոցների ներգրավմամբ, Հայաստանի Հանրապետությունում և այլ պետություններում ստանալ բանկային և առևտրային վարկեր, այդ թվում՝ արտարժույթով, օրենսդրությամբ սահմանված կարգով իր անունից թողարկել և տարածել արժեթղթեր,
- օտարել, վարձակալության տալ, փոխանակել, օրենսդրությամբ չարգելված այլ ձևերով փոխանցել գույքային իրավունքներ, լինել գրավառու և գրավատու,
- օրենսդրությամբ սահմանված կարգով արտահանել և ներմուծել գույքի օբյեկտներ, արտադրված, զնված և այլ օրինական ձևով ստացված արտադրանք, ծառայություններ մատուցել և աշխատանքներ կատարել օտարերկրյա իրավաբանական անձանց և /կամ/ ձեռնարկությունների, կազմակերպությունների և քաղաքացիների համար, օգտվել նրանց կատարած աշխատանքներից և մատուցած ծառայություններից, այլ պետություններում նրանց օրենսդրությամբ համապատասխան իրականացնել ներդրումներ, ստեղծել իրավաբանական անձինք և /կամ/ ձեռնարկություններ և անդամակցել իրավաբանական անձանց և /կամ/ ձեռնարկությունների,
- օգտվել օրենսդրությամբ և սույն կանոնադրությամբ սահմանված այլ իրավունքներից:

3.5. Ընկերությունը պարտավոր է,

- օրենսդրությամբ կամ այլ իրավական ակտերով սահմանված կարգով իրականացնել հաշվապահական հաշվառում և ներկայացնել վիճակագրական հաշվետվություն,
- աշխատանքային պայմանագրեր կնքել Ընկերության աշխատակիցների հետ,
- պատասխանատվություն կրել և փոխհատուցել իր կողմից հասցրած վնասը՝ կնքած պայմանագրերը չկատարելու կամ հարկ եղածին պես չկատարելու, այլ անձանց սեփականության իրավունքը խախտելու համար,
- օրենսդրությամբ սահմանված կարգով հայտարարել ընկերության սննկացման մասին այն դեպքում, երբ հնարավոր չէ բավարարել պարտականների օրինական գույքային պահանջները,
- անհապաղ տեղեկություններ հրապարակել սահմանափակ պատասխանատվությամբ ընկերության կանոնադրական կապիտալի կամ բաժնետիրական ընկերության քվեարկող բաժնետոմսերի ավելի քան 20 տոկոսը ձեռք բերելու մասին,
- ապահովել Ընկերության փաստաթղթերի / Ընկերության կանոնադրության, գույքի նկատմամբ գույքային իրավունքները հաստատող փաստաթղթերի, Ընկերության ներքին փաստաթղթերի, առանձնացված ստորաբաժանումների ու հիմնարկների, տարեկան հաշվետվությունների, հաշվապահական հաշվառման փաստաթղթերի, կառավարման մարմինների նիստերի արձանագրությունների, ՀՀ օրենքներով և այլ իրավական ակտերով նախատեսված այլ փաստաթղթերի/ պահպանումը;
- կրել օրենսդրությամբ և սույն կանոնադրությամբ սահմանված այլ պարտավորություններ:

4. ԸՆԿԵՐՈՒԹՅԱՆ ՄԱՍՆԱԿԻԳՆԵՐԸ, ՆՐԱՆՑ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

4.1. Ընկերության մասնակիցներ են համարվում այն անձինք, ովքեր նշված են սույն կանոնադրության հավելվածում: Մասնակիցները կարող են փոփոխվել Ընկերության կանոնադրությամբ սահմանված կարգով մասնակիցների ընդունման, ազատման, հեռացման, ամբողջ բաժնեմասի օտարման միջոցով, ինչպես նաև մասնակցի ամբողջ բաժնեմասի վրա բռնազանձում տարածելու դեպքում:

Ընկերությունը չի կարող որպես միակ մասնակից ունենալ մեկ անձից կազմված այլ տնտեսական ընկերություն:

4.2. Ընկերության մասնակիցները իրավունք ունեն

- սույն կանոնադրությամբ սահմանված կարգով մասնակցել Ընկերության կառավարմանը
 - հանդես գալ առաջարկություններով Ընկերության մասնակիցների ընդհանուր ժողովում
 - Ընկերության մասնակիցների ընդհանուր ժողովում քվեարկել իրեն պատկանող լրիվ վճարված բաժնեմասերի ձայների չափով
 - ստանալ Ընկերության գործունեությունից ստեղծվող շահույթի /դիվիդենտի/ մասը
 - Ընկերության լուծարվելու դեպքում ստանալ շահույթի իր մասը
 - Ընկերության լուծարվելու դեպքում ստանալ պարտատերերի հետ կատարված հաշվարկներից հետո մնացած գույքի մասը կամ դրա արժեքը
 - տեղեկատվություն ստանալ Ընկերության գործունեության մասին, ծանոթանալ հաշվապահական հաշվառման, հաշվետվության, Ընկերության արտադրատնտեսական գործունեության այլ փաստաթղթերի հետ
 - ցանկացած ժամանակ դուրս գալ ընկերությունից /անկախ մյուս մասնակիցների համաձայնությունից/
 - հայցով դիմել դատարան Ընկերության մասնակիցների ընդհանուր ժողովի կողմից ընդունված և գործող օրենքներին և այլ իրավական ակտերին հակասող որոշումների զանգատարկման նպատակով
 - Ընկերության միջոցների հաշվին Ընկերության կանոնադրական կապիտալի ավելացման դեպքում անվճար ստանալ համապատասխան քանակությամբ բաժնեմասեր
 - օգտվել Ընկերության կանոնադրությամբ նախատեսված այլ իրավունքներից:
- Ընկերության մասնակիցները ունեն իրենց սեփականությունը հանդիսացող բաժնեմասերը / դրանց մասը/ օտարելու կամ այլ օրենքով չարգելված ձևով, այլ անձանց փոխանցելու իրավունք: Ընդ որում մյուս մասնակիցներն ունեն այդ բաժնեմասի նույն գնով ձեռք բերման նախապատվության իրավունք: Մասնակիցների կողմից իրենց վաճառվող բաժնեմասերի ձեռք բերման նախապատվության իրավունքը չիրականացնելու դեպքում բաժնեմասերը կարող են օտարվել երրորդ անձանց: Երրորդ անձանց օտարման անհնարինության դեպքում Ընկերությունն ինքը պարտավոր է ձեռք բերել մասնակցի բաժնեմասը, եռամսյա ժամկետում այլ մասնակիցների կամ երրորդ անձանց իրացնել կամ որոշում ընդունել Ընկերության կանոնադրական կապիտալի նվազեցման մասին: Մասնակիցների նախապատվության իրավունքի / այլ մասնակիցների կողմից վաճառվող բաժնեմասերի ձեռք բերման / իրականացման ժամկետը սահմանվում է 15 օր: Մասնակիցների նախապատվության իրավունքի իրականացման ժամկետը չի կիրառվում այն դեպքում, երբ իրենց բաժնեմասերը կամ դրանց մի մասը օտարելու ցանկություն են հայտնել Ընկերության բոլոր մասնակիցները միաժամանակ: Ընկերության բաժնեմասերի շուկայական արժեքի որոշման անհրաժեշտության դեպքում հաշվ է առնվում Ընկերության զուտ ակտիվների մեծությունը այդ դեպքում կողմերից որևէ մեկի պահանջով պետք է բաժնեմասերի արժեքը / կամ ընկերության զուտ ակտիվների մեծությունը / սահմանվի անկախ գնահատողի / աուդիտորի / կողմից:

4.2. Ընկերության մասնակիցները պարտավոր են

- սույն կանոնադրությամբ կամ Ընկերության մասնակիցների ընդհանուր ժողովի որոշմամբ սահմանված կարգի համաձայն կատարել ներդրումներ
- չիրապարակել գաղտնի տեղեկություններ Ընկերության գործունեության վերաբերյալ
- կատարել Ընկերության նկատմամբ ստանձնած պարտավորությունները
- պահպանել սույն կանոնադրության դրույթները:

4.4. Ընկերությունից դուրս եկող մասնակցի հետ հաշվարկները կատարվում են հետևյալ կարգով.

- վճարվում է կանոնադրական կապիտալում նրա բաժնեմասին համապատասխանող գույքի արժեքը /բնեղենով կամ դրամով /
- բաժնեմասի կամ գույքի արժեքը որոշվում է դուրս գալու պահին կազմված հաշվեկշռով որոշված Ընկերության զուտ ակտիվների արժեքով
- եթե մասնակցի կողմից ներդրվել է գույքի օգտագործման իրավունք, ապա գույքը վերադարձվում է առանց հատուցելու մաշվածությունը

- մասնակիցը պարտավոր չէ վերադարձնել իր կողմից բարեխղճորեն ստացած շահույթը:

4.5. Ընկերության կանոնադրությամբ կամ Ընկերության մասնակիցների ընդհանուր ժողովի որոշմամբ հաստատված կարգով սահմանված ժամկետում ներդրումներ չկատարող մասնակիցը պարտավոր է ուշացման համար վճարել չմուծված գումարի 10 %-ի չափով տուգանք / ավանդներ ներդնելու պարտականությունը խախտելու համար /: Սահմանված ժամկետից 3 ամսվա ընթացքում գումարը չմուծելու դեպքում մասնակիցը վտարվում է Ընկերությունից, կամ համապատասխան չափով փոքրացվում է նրա բաժնեմասը, իսկ նրա բաժնեմասերը մասնակիցների միաժամյա համաձայնությամբ կամ բաժանվում են մնացած մասնակիցների միջև, կամ համապատասխան չափով պակասեցվում է կանոնադրական կապիտալը:

4.6. Այն մասնակիցը, որը սույն կանոնադրությամբ նախատեսված իր պարտականությունները չի կատարում կամ ոչ պատշաճ ձևով է կատարում, կամ իր գործողություններով խոչընդոտում է Ընկերության նպատակներին հասնելուն, կարող է հեռացվել Ընկերությունից՝ մասնակիցների միաժամյա որոշմամբ:

5. ԸՆԿԵՐՈՒԹՅԱՆ ԳՈՒՅՔԸ, ԿԱՊԻՏԱԼՆԵՐՆ ՈՒ ՇԱՐՈՒՅԹԸ

5.1. Ընկերությունը հանդիսանում է սեփականատեր՝

- այն գույքի, որը մասնակիցները որպես փայտտիրական վճարումներ կամ այլ պայմանավորվածությամբ նրան են հանձնել
- Ընկերության տնտեսական գործունեության հետևանքով արտադատ արտադրանքի
- ստացված եկամուտների

գործող օրենսդրությամբ չարգելված հիմունքներով ձեռք բերած գույքի:

Ընկերության սեփականության ներքո կարող է գտնվել ցանկացած գույք՝ բացառությամբ գույքի առանձին տեսակների, որոնք օրենքին համապատասխան չեն կարող պատկանել իրավաբանական անձանց:

Ընկերության գույքի նկատմամբ սեփականության իրավունք ձեռք բերելու, իրավունքը դադարելու, գույքը տիրապետելու, օգտագործելու ու տնօրինելու առանձնահատկությունները, կապված գույքը Ընկերության սեփականությանը պատկանելու համգամանքի հետ, սահմանվում են միայն օրենքներով:

5.2. Ընկերության մասնակցի ներդրումը կարող է լինել դրամ, արժեթղթեր, այլ գույք կամ գույքային իրավունքներ, ինչպես նաև դրամական գնահատում ունեցող այլ իրավունքներ:

Ներդրվող գույքի արժեքը որոշվում է Ընկերության հիմնադիրների /մասնակիցների/ միջև համաձայնությամբ և ենթակա է անկախ փորձագիտական վերստուգման /աուդիտի/:

Կանոնադրական կապիտալում մասնակցի բաժնեմասը գնահատվում է տեղական արժույթով:

5.3. Եթե գույքը, նյութական արժեքները, ֆինանսական և այլ ռեսուրսները փոխանցվում են Ընկերությանը միայն օգտագործման նպատակով, ապա ներդրման չափը և համապատասխանաբար մասնակից-վարձատուի բաժնեմասը որոշվում է ելնելով այդ գույքի օգտագործման դիմաց տրվող վարձակալական վճարից:

Ընկերությանը ժամանակավոր օգտագործման տրված գույքի պատահական կորստի կամ վնասման ռիսկը դրվում է այդ գույքը փոխանցած մասնակցի վրա:

5.4. Ընկերությունում ստեղծվում է պահուստային /ապահովագրական/ կապիտալ կանոնադրական կապիտալի 15 տոկոսի չափով: Այս կապիտալի ձևավորումը իրականացվում է շահույթից կատարվող տարեկան մասհանումների միջոցով մինչև նախատեսված չափերին հասնելը: Պահուստային կապիտալ կատարվող մասհանումների չափը սահմանվում է մաքուր շահույթի 5 տոկոսից պակաս: Պահուստային կապիտալի միջոցների ծախսման կարգը որոշվում է մասնակիցների ընդհանուր ժողովի կողմից:

5.5. Սահմանված կարգով առաջացող մաքուր շահույթի բաշխումը Ընկերության մասնակիցների միջև իրականացվում է կանոնադրական կապիտալում մասնակիցների ունեցած բաժնեմասերին համապատասխան:

6. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼԸ, ՆՐԱ ՓՈՓՈԽՈՒՄԸ

6.1. Ընկերության կանոնադրական կապիտալը կազմում է 50000 / հիսուն հազար / դրամ, որը բաժանված է 100 բաժնեմասերի, մեկ բաժնեմասի անվանական արժեքը կազմում է 500 դրամ: Ընկերության բոլոր 100 բաժնեմասերը տեղաբախշված են, լրիվ վճարված և պատկանում են Ընկերության մասնակիցներին, որոնց ցանկը և յուրաքանչյուրի ունեցած բաժնեմասերի քանակը / բաժնեմասը / բերված է սույն կանոնադրության բաղկացուցիչ մաս հանդիսացող հավելվածում:

6.2. Ներդրված գույքի արժեքի փոփոխությունը և կանոնադրական կապիտալում մասնակիցների կողմից կատարված լրացուցիչ ներդրումները չեն ազդում յուրաքանչյուր մասնակցի ունեցած բաժնեմասի վրա, եթե սահմանված կարգով համապատասխան փոփոխություններ չեն մտցվել սույն կանոնադրությունում:

6.3. Իր ներդրումն ամբողջությամբ կատարած Ընկերության մասնակցին տրվում է վկայական, որը չի դասվում արժեթղթերի կարգին:

6.4. Ընկերության մասնակիցները կարող են իրենց բաժնեմասերը օտարել սույն կանոնադրության 4.2. կետի վերջին մասով սահմանված կարգով:

6.5. Ընկերության կանոնադրական կապիտալի բաժնեմասերն անցնում են Ընկերության մասնակից քաղաքացիների ժառանգներին և իրավաբանական անձանց իրավահաջորդներին միայն Ընկերության մնացած մասնակիցների միաձայն համաձայնությամբ: Ընդ որում բաժնեմասն անցնելու համար համաձայնություն չտալու՝ ինչպես նաև ժառանգի / իրավահաջորդի / բաժնեմասից իրաժարվելու դեպքում դրա արժեքի վճարումը կատարվում է սույն կանոնադրության 4.4. կետում սահմանված կարգով:

6.6. Ընկերությունը կարող է փոփոխել կանոնադրական կապիտալի մեծությունը: Այդ մասին որոշումն ուժի մեջ է մտնում պետական ռեգիստրում համապատասխան փոփոխությունների պետական գրանցման պահից:

Կանոնադրական կապիտալի մեծացում կարելի է միայն այն բանից հետո, երբ բոլոր մասնակիցները կատարել են իրենց ներդրումները:

Ընկերության կանոնադրական կապիտալի մեծացումը կարող է կատարվել.

- Ընկերության գույքի հաշվին,
- Ընկերության մասնակիցների լրացուցիչ ներդրումների հաշվին,
- երրորդ անձանց ներդրումների հաշվին:

Ընկերության մասնակիցների լրացուցիչ կամ երրորդ անձանց ներդրումների հաշվին կանոնադրական կապիտալի մեծացման մասին որոշումն ընդունվում է Ընկերության մասնակիցների միաձայն որոշմամբ, որով որոշվում է լրացուցիչ ներդրումների գումարային արժեքը և ներդրումների կատարման կարգն ու ժամկետները:

Սահմանված ժամկետի ավարտից հետո Ընկերության մասնակիցների ընդհանուր ժողովը պարտավոր է որոշում ընդունել /ձայների որակյալ մեծամասնությամբ/ ներդրումների հաշվին ձևավորված կանոնադրական կապիտալի և դրա հետ կապված սույն կանոնադրության փոփոխությունը հաստատելու մասին:

Եթե երկրորդ կամ յուրաքանչյուր հաջորդ ֆինանսական տարվա ավարտից հետո Ընկերության գուտ ակտիվների արժեքը պակաս է կանոնադրական կապիտալից, ապա Ընկերությունը պարտավոր է հայտարարել իր

կանոնադրական կապիտալի նվազման մասին և սահմանված կարգով գրանցել դրա նվազումը: Եթե Ընկերության նշված ակտիվների արժեքը պակասում է կանոնադրական կապիտալի՝ օրենքով սահմանված նվազագույն չափից, Ընկերությունը ենթակա է լուծարման:

Ընկերության կանոնադրական կապիտալի նվազեցում թույլատրվում է նրա բոլոր պարտատերերին տեղեկացնելուց հետո: Վերջիններս այդ դեպքում իրավունք ունեն պահանջել վաղաժամկետ կատարելու կամ դադարեցնելու Ընկերության համապատասխան պարտավորությունները և հատուցելու վնասները:

Ընկերության կանոնադրական կապիտալի նվազեցում կարող է կատարվել բոլոր մասնակիցների բաժնեմասերի անվանական արժեքների փոքրացմամբ և /կամ/ Ընկերությանը պատկանող բաժնեմասերի մարմամբ:

Կանոնադրական կապիտալի մեծացման կամ փոքրացման մասին որոշումն ուժի մեջ է մտնում այդ փոփոխության պետական գրանցման պահից:

6.7. Ըստ Ընկերության պարտավորությունների, չի թույլատրվում նրա կողմից բռնագանձում կատարել մասնակցի փայի նկատմամբ: Մասնակցի պարտքերը մարելու համար, նրա ունեցվածքի անբավարարության դեպքում, վարկատուներն իրավունք ունեն սույն կանոնադրության 4.4. կետում սահմանված կարգով պահանջել պարտքատուի փայի առանձնացում:

7. ԸՆԿԵՐՈՒԹՅԱՆ ԿԱՌԱՎԱՐՈՒՄԸ

7.1. Ընկերության կառավարման բարձրագույն մարմինը մասնակիցների /կամ նրանց լիազոր ներկայացուցիչների/ ընդհանուր ժողովն է, որն ունի Ընկերության կառավարման և գործունեության ցանկացած հարցի վերջնական լուծման իրավունք:

Կոլեկտիվ մասնակիցներից Ընկերության ընդհանուր ժողովին մասնակցում է մեկ ներկայացուցիչ: Կոլեկտիվ մասնակիցների ներկայացուցիչները կարող են նշանակվել ժամանակավորապես կամ մշտական: Մասնակիցը իրավունք ունի ցանկացած ժամանակ փոխարինելու իր լիազոր ներկայացուցիչին՝ այդ մասին տեղյակ պահելով մյուս մասնակիցներին: Մասնակիցը իրավունք ունի իր լիազորությունները փոխանցել այլ մասնակցի կամ այլ մասնակցի ներկայացուցիչի: Մասնակիցներն ունեն կանոնադրական կապիտալում իրենց բաժնեմասերին համապատասխան ձայների քանակություն:

Այն դեպքում, երբ ընդհանուր ժողովի որոշմամբ շոշափվում են Ընկերության միայն մեկ անդամի շահերը, մասնավորապես Ընկերությունից մասնակցի վտարման հարցը քննարկելիս, այդ մասնակիցը կամ նրա լիազոր ներկայացուցիչը քվեարկությանը չի մասնակցում:

Ընկերության ընդհանուր ժողովը ընտրում է իր նախագահին:

7.2. Ընկերության ընդհանուր ժողովի բացառիկ իրավասությանն են պատկանում

1. Ընկերության կանոնադրության մեջ փոփոխությունների և լրացումների կատարումն, Ընկերության կանոնադրության հաստատումը նոր խմբագրությամբ,
2. մասնակցի ազատումը և նոր մասնակցի ընդունումը, այդ թվում՝ մասնակցի ժառանգներին /իրավահաջորդներին/ բաժնեմասի փոխանցման միջոցով,
3. մասնակցի կողմից օտարվող բաժնեմասերի ձեռքբերումը և դրանց իրացումը սույն կանոնադրությամբ նախատեսված դեպքերում,
4. մասնակցի հեռացումը /վտարումը/ սույն կանոնադրությամբ նախատեսված դեպքերում,
5. Ընկերության վերակազմակերպումը,
6. Ընկերության լուծարումը, լուծարային հանձնաժողովի նշանակումը,
7. Ընկերության կանոնադրական կապիտալի չափի մեծացումը,
8. Ընկերության կանոնադրական կապիտալի չափի փոքրացումը,
9. ավանդների գանձման մասին որոշման ընդունումը,
10. դուստր և կախյալ ընկերությունների հիմնադրումը,
11. Ընկերության տնօրենի /գլխավոր տնօրենի, գործադիր տնօրենի/ նշանակումը, նրա լիազորությունների վաղաժամկետ դադարեցումը,
12. Ընկերության վերստուգիչ հանձնաժողովի անդամների /վերստուգողի/ ընտրությունը և նրանց /նրա/ լիազորությունների վաղաժամկետ դադարեցումը,
13. Ընկերության աուդիտը իրականացնող անձի հաստատումը,
14. Ընկերության տարեկան հաշվետվությունների, հաշվապահական հաշվեկշիռների, շահույթների և վնասների բաշխման հաստատումը, ինչպես նաև մասնաճյուղերի, ներկայացուցչությունների և հիմնականների աշխատանքի տարեկան արդյունքների հաստատումը,
15. Ընկերության գործունեության հիմնական ուղղությունների որոշումը,
16. Ընկերության գույքի օտարման և ձեռքբերման հետ կապված գործարքներին /այդ թվում՝ այլ տնտեսական ընկերակցություններին և ընկերություններին մասնակցելը/ հավանություն տալը, որոնց արժեքը գերազանցում է կանոնադրական կապիտալի 1/4 -ը,
17. Ընկերության առանձնացված ստորաբաժանումների և հիմնարկների ստեղծումը, գործունեության դադարեցումը, դրանց կանոնադրությունների հաստատումը,
18. Ընկերության և նրա ղեկավարության դեմ դատական գործընթացներում Ընկերությունը ներկայացնելու մասին որոշման ընդունումը,
19. ղեկավար պաշտոնատար անձանց աշխատանքի վարձատրման պայմանների որոշումը:

Ընկերության մասնակիցների ընդհանուր ժողովն իրավունք ունի քննարկել և որոշումներ ընդունել նաև սահմանափակ պատասխանատվությամբ ընկերությունների մասին օրենքով և սույն կանոնադրությամբ ընդհանուր ժողովի իրավասությանը պատկանող ցանկացած հարցի շուրջ:

7.3. Ընկերության ընդհանուր ժողովի իրավասությանը վերաբերվող հարցերի լուծումը կատարվում է ժողովի նիստում կամ հարցման միջոցով: Այդ դեպքում որոշման նախագիծը ուղարկվում է մասնակիցներին, որոնց

պետք է՝ գրավոր հայտնեն իրենց կարծիքը: Հարցման միջոցով հարցը համարվում է ընդունված բոլոր մասնակիցների համաձայնության դեպքում: Հակառակ դեպքում գումարվում է ընդհանուր ժողովի նիստ: Ժողովը համարվում է իրավասու, եթե ներկա են ընդհանուր ծայների 60 տոկոս ունեցող մասնակիցները /նրանց ներկայացուցիչները/: Սույն կանոնադրությամբ նախատեսված դեպքերում /երբ քննարկվող հարցը պահանջում է բոլոր մասնակիցների միաձայնությունը/ ժողովը իրավասու է բոլոր մասնակիցների /նրանց ներկայացուցիչների/ ներկայության դեպքում:

Սույն կանոնադրության 7.2. կետի 1, 8, 11 և 16 ենթակետերով սահմանված հարցերի շուրջ որոշումներն ընդունվում են ժողովին մասնակցողների ծայների 3/4 -ով, 12 և 14 ենթակետերով սահմանված հարցերի շուրջ որոշումները ընդունվում են ժողովին մասնակցողների ծայների որակյալ մեծամասնությամբ, 2, 4, 5 և 6 ենթակետերով սահմանված հարցերի շուրջ որոշումներն ընդունվում են Ընկերության մասնակիցների միաձայն որոշմամբ, իսկ մնացած հարցերի շուրջ ժողովին մասնակցողների ծայների պարզ մեծամասնությամբ:

Ընդհանուր ժողովին մասնակցելու իրավունք ունեն /առանց ծայնի իրավունքի/ տնօրենը, վերստուգիչ հանձնաժողովի անդամները կամ վերստուգողը, աուդիտը՝ իրականացնող անձը:

Յուրաքանչյուր մասնակից իրավունք ունի պահանջելու հարցերի քննարկում ժողովում, այն պայմանով, որ այն ներկայացված լինի նիստը սկսվելուց առնվազն 25 օր առաջ:

Ընդհանուր ժողովի նախագահը կազմակերպում է արձանագրության վարումը: Արձանագրությունների գիրքը ցանկացած ժամանակ պետք է ներկայացվի մասնակիցներին: Նրանց պահանջով, արձանագրությունների գրքից տրվում են հաստատված քաղվածքներ:

7.4. Ընդհանուր ժողովները գումարվում են ոչ պակաս, քան տարին երկու անգամ: Արտահերթ նիստեր գումարվում են Ընկերության մասնակիցների ընդհանուր ժողովի նախագահի կողմից, կանոնադրությունում նշված հանգամանքների առկայության դեպքում, գործադիր մարմնի կամ վերստուգիչ հանձնաժողովի /վերստուգողի/ որոշմամբ՝ Ընկերության մասնակիցների ընդհանուր ծայների 20 տոկոսից ավելին ունեցողների կողմից՝ ցանկացած հարցի կապակցությամբ: Եթե 20 օրվա ընթացքում նախագահը չի գումարում նիստ, ապա վերջիններս իրավունք ունեն իրենք գումարելու այն:

7.5. Ընկերության ընթացիկ գործունեության ղեկավարությունը իրականացնում է տնօրենը:

Տնօրենը լուծում է բոլոր հարցերը, բացի մասնակիցների բացառիկ իրավասությանը վերաբերվող հարցերից: Տնօրենը կազմակերպում է ընդհանուր ժողովի որոշումների կատարումը, հաշվետու է ընդհանուր ժողովին և իրավունք չունի մասնակիցների համար պարտադիր որոշումներ կայացնելու:

Ընկերության տնօրենը պետք է գործի բարեխղճորեն և ողջամիտ՝ ի շահ իր կողմից ներկայացվող Ընկերության: Նա պարտավոր է Ընկերության հիմնադիրների / մասնակիցների / պահանջով հատուցել իր կողմից Ընկերության անձին պատճառած վնասները, եթե այլ բան նախատեսված չէ օրենքով կամ պայմանագրով:

7.6. Ընկերության տնօրենը իր իրավասության սահմաններում

- առանց լիազորագրի գործում է Ընկերության անունից,
- տնօրինում է Ընկերության գույքը, այդ թվում ֆինանսական ռեսուրսները,
- կնքում է պայմանագրեր, այդ թվում՝ աշխատանքային,
- տալիս է լիազորագրեր,
- բանկային հիմնարկներում բացում է հաշվարկային և այլ հաշիվներ
- հաստատում է հաստիքներ,
- իրականացնում է ՀՀ գործող օրենսդրությանը չհակասող, Ընկերության կանոնադրությամբ իրեն վերապահված կամ Ընկերության ընդհանուր ժողովի կողմից տրված այլ լիազորություններ և հանձնարարություններ:

7.7. Տնօրենի գործունեության նկատմամբ վերահսկողությունն իրականացնում է վերստուգիչ հանձնաժողովը, որը ստեղծվում է մասնակիցների կողմից, իրենց կազմից և ընկերության աշխատանքային կոլեկտիվի անդամներից այն քանակությամբ, որը սահմանված է ընդհանուր ժողովի կողմից:

Տնօրենը չի կարող լինել վերստուգիչ հանձնաժողովի անդամ:

Վերստուգումը կատարվում է ոչ պակաս, քան տարին մեկ անգամ, ընդհանուր ժողովի պահանջով կամ վերստուգիչ հանձնաժողովի սեփական նախաձեռնությամբ: Վերստուգիչ հանձնաժողովը իրավունք ունի Ընկերության պաշտոնատար անձանցից պահանջելու իրեն ներկայացնել բոլոր անհրաժեշտ նյութերը, անձնական բացատրությունները:

Ընկերության հաշվապահական հաշվառումն ու հաշվետվությունը կատարվում է գործող օրենսդրությանը համապատասխան:

Ընկերության գործունեության ֆինանսա-տնտեսական վերստուգումը կարող է կատարվել աուդիտորական ծառայությունների կամ Ընկերության վերստուգիչ հանձնաժողովի միջոցով: Վերստուգման արդյունքները քննարկվում են Ընկերության մասնակիցների ընդհանուր ժողովում, որի առջև հանձնաժողովը հաշվետու է:

Վերստուգիչ հանձնաժողովը ընտրվում է Ընկերության մասնակիցների ընդհանուր ժողովում, Ընկերության երեք անդամներից / նախագահ և հանձնաժողովի երկու անդամներ / երեք տարվա ժամկետով: Վերստուգիչ հանձնաժողովը ստուգում է Ընկերության անձնամյա հաշվետվությունը, դրամարկը և կայքը:

Վերստուգիչ հանձնաժողովի անդամներ չեն կարող ընտրվել Ընկերության ապարատում պաշտոններ կրող անձիք:

Ընկերության ֆինանսական և տնտեսական գործունեության ստուգումը իրականացվում է գործող օրենսդրությանը համապատասխան, ՀՀ ֆինանսական և այլ լիազորված մարմինների, հսկողական ծառայությունների կողմից իրենց իրավասության սահմաններում: Ընկերությունը պարտավոր է ֆինանսատնտեսական գործունեության ստուգում կատարել ոչ ուշ, քան տարին մեկ անգամ:

Վերստուգիչ հանձնաժողովը ստուգումների արդյունքները ուղարկում է Ընկերության ընդհանուր ժողով: Վերստուգիչ հանձնաժողովը ըստ տարեկան հաշվետվության և հաշվեկշռի կազմում է եզրակացություն:

Առանց այդ եզրակացության ընկերության հաշվեկշիռը ենթակա չէ հաստատման ընդհանուր ժողովի կողմից: Վերստուգիչ հանձնաժողովը պարտավոր է պահանջել գումարելու արտահերթ նիստ, եթե գտնում է, որ ընկերության չափերին էական սպառնալիք է առաջացել:

Ընկերության տարեկան ֆինանսական հաշվետվության հավաստիությունը վերստուգելու համար ընկերությունն իրավունք ունի ամեն տարի ներգրավել ընկերության կամ նրա մասնակիցների հետ գույքային չափերով չկապված արեստավարժ վերստուգիչի՝ աուդիտորի / արտաքին աուդիտ /:

Ընկերության տարեկան ֆինանսական հաշվետվության վերստուգումը կարող է կատարվել նաև նրա մասնակիցներից յուրաքանչյուրի պահանջով: Այս դեպքում վերստուգումը կատարվում է այն պահանջող մասնակցի հաշվին:

Ընկերության ընդհանուր ժողովի որոշմամբ վերստուգիչ հանձնաժողովի ֆունկցիաները կարող է իրականացնել վարձատրվող վերստուգողը, որը պետք է հաշվետու լինի միայն դեկավար մարմնին: Որպես վերստուգող չեն կարող հանդես գալ հիմնադիրները /մասնակիցները/ և դեկավար մարմնի անդամները: Վերստուգողը կարող է միաժամանակ սպասարկել մեկից ավելի իրավաբանական անձանց:

8. ԸՆԿԵՐՈՒԹՅԱՆ ՄԱՍՆԱԾՅՈՒՂԵՐ ԵՎ ՆԵՐԿԱՅԱՑՈՒՑՉՈՒԹՅՈՒՆՆԵՐ

8.1. Հայաստանի Հանրապետության տարածքում և նրանից դուրս ընկերությունը չունի մասնաճյուղեր և ներկայացուցչություններ:

9. ԸՆԿԵՐՈՒԹՅԱՆ ԿԱՆՈՆԱԴՐՈՒԹՅԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼԸ

9.1. Ընկերության կանոնադրության մեջ փոփոխություններ և լրացումներ կատարելը, ինչպես նաև ընկերության նոր խմբագրությամբ կանոնադրության հաստատելը տեղի է ունենում մասնակիցների ընդհանուր ժողովի որոշմամբ, որն ընդունվում է ժողովին մասնակցած մասնակիցների ձայների 3/4-ով:

Կանոնադրական կապիտալի չափի մեծացման հետ կապված դեպքերում որոշումն ընդունվում է ձայների մեծամասնությամբ:

9.2. Ընկերության կանոնադրության մեջ կատարված փոփոխություններ և լրացումներ, ինչպես նաև ընկերության նոր խմբագրությամբ կանոնադրությունը երրորդ անձանց համար իրավաբանական ուժ են ձեռք բերում դրանց պետական գրանցման պահից, իսկ օրենքով նախատեսված դեպքերում՝ նման գրանցում կատարող պետական մարմնին այդ փոփոխությունների տեղեկացնելու պահից: Սակայն ընկերությունը և նրա հիմնադիրները /մասնակիցները/ նման փոփոխությունները հաշվի առած երրորդ անձանց հետ ունեցած հարաբերություններում իրավունք չունեն վկայակոչել այդ փոփոխությունների գրանցման բացակայությունը:

10. ԸՆԿԵՐՈՒԹՅԱՆ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

10.1. Ընկերությունը նրա մասնակիցների միաձայն որոշմամբ, կարող է կամովի վերակազմակերպվել կամ լուծարվել:

Եթե լուծարվող ընկերության գույքի արժեքն անբավարար է պարտատերերի պահանջները բավարարելու համար, ապա այն կարող է լուծարվել միայն սնանկության հետևանքով:

Ընկերության վերակազմակերպման և լուծարման այլ հիմքերը, ինչպես նաև նրա վերակազմակերպման ու լուծարման կարգը սահմանվում են օրենսգրքով և այլ օրենքներով:

10.2. Ընկերությունն իրավունք ունի վերակազմավորվել բաժնետիրական ընկերության:

10.3 Ընկերությունը, բացառությամբ այլ իրավաբանական անձի միացման ձևով վերակազմակերպման դեպքի, վերակազմակերպված է համարվում նոր ստեղծված իրավաբանական անձանց պետական գրանցման պահից:

Ընկերությունն այլ իրավաբանական անձի հետ միացման ձևով վերակազմակերպվելիս, վերակազմակերպված է համարվում Ընկերության գործունեությունը դադարելու վերաբերյալ իրավաբանական անձանց պետական գրանցամատյանում գրառման պահից:

10.4. Ընկերության լուծարումը իրականացնում է Ընկերության մասնակիցների ընդհանուր ժողովի կողմից նշանակված լուծարման հանձնաժողովը:

Ընկերության լուծարման գործընթացում գտնվելու մասին տեղեկությունները / այդ թվում՝ լուծարման հանձնաժողովի կազմը / ենթակա են գրանցման իրավաբանական անձանց պետական գրանցամատյանում:



Կանոնադրական կապիտալի 10 տոկոսից ավելին ունեցող մասնակիցները դատական կարգով կարող են պահանջել նշանակելու նոր լուծարման հանձնաժողով:

Լուծարման հանձնաժողով կազմելու պահից նրան են անցնում Ընկերության գործերի կառավարման բոլոր լիազորությունները: Լուծարվող Ընկերության անունից դատարանում հանդես է գալիս լուծարման հանձնաժողովը:

10.5. Ընկերությունը համարվում է լուծարված, իսկ նրա գործունեությունը՝ դադարած՝ այդ մասին իրավաբանական անձանց պետական գրանցամատյանում համապատասխան գրանցում կատարելու պահից:

« ԴԱՐԵՍԿԻԶ » ՍՊԸ կանոնադրության հավելված

« ԴԱՐԵՍԿԻԶ »
ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՆ ԸՆԿԵՐՈՒԹՅԱՆ
մասնակիցների ցուցակ


Մասնակցի անունը, ազգանունը անձնագրի տվյալները հասցեն	Բաժնեմասերի քանակը	Բաժնեմասի չափը	Ստորագրություն
Գիմիշյան Մկրտիչ հասց. [redacted] հեռ. [redacted]	10	10	
Խոջոյան Արմեն անձ. [redacted] հասց. [redacted] հեռ. [redacted]	10	10	
Կիրակոսյան Արմեն անձ. [redacted] հասց. [redacted] հեռ. [redacted]	10	10	
Մակեյան Պետրոս անձ. [redacted] հասց. [redacted]	10	10	
Գասպարյան Սամվել անձ. [redacted] հասց. [redacted] հեռ. [redacted]	10	10	
Հակոբյան Աննա անձ. [redacted] հասց. [redacted] հեռ. [redacted]	50	50	

22. 05. 2005
12 39

Դազմված է 24.05.2010թ.
բաղկացած է 1 թերթից


Տպագրված է 5 օրինակ
Օրինակ 4

Հաստատված է
«Դարեսկիզը» ՍՊԸ մասնակիցների
արտահերթ ընդհանուր ժողովի
«24» հունիսի 2010թ. որոշմամբ
(հավելված է 1 թիվ 1)



Գրանցված է
Հայաստանի Հանրապետության
ձեռնարկությունների պետական
ռեգիստրի կողմից 21.12.1999թ.
գրանցման թիվ 264.110.04899
վկայական 02 Ա 046847

Թիվ 002 - փոփոխությունը գրանցված է
Իրավաբանական անձանց պետական ռեգիստրի
Զեռաբեկի տարածքային բաժնի կողմից
ՋԸ 07 2010թ.



«Դարեսկիզը» սահմանափակ պատասխանատվությամբ
ընկերության կանոնադրության փոփոխություն


1. «Դարեսկիզը» սահմանափակ պատասխանատվությամբ ընկերության կանոնադրության 2.2. կետը փոփոխել և շարադրել հետևյալ կերպ՝
«2.2. Ընկերության գործունեության հիմնական տեսակներն են՝
 - լրատվական գործունեության իրականացումը, զանգվածային լրատվության միջոցների՝ օրաթերթերի, թերթերի, ամսագրերի հրատարակումը,
 - օրաթերթերի, լրատվական այլ միջոցների՝ թերթերի, ամսագրերի հրատարակելը,
 - թերթերի և ամսագրերի իրացումը,
 - հրատարակչական գործունեությունը,
 - ինֆորմացիայի հաղորդակցության, կոմունիկացիոն համակարգերի, այդ թվում համակարգչային, էլեկտրոնային և այլ կապի միջոցների գործունեությունը,
 - համակարգիչների և կազմ տեխնիկայի առևտուրը,
 - թղթի և գրենական պիտույքների առևտուրը»:
2. Ընկերության կանոնադրության 1.9 կետը փոփոխել և շարադրել հետևյալ կերպ՝
«1.9. Ընկերության գտնվելու վայրը և իրավաբանական /փոստային/ հասցեն է՝ ՀՀ ք. Երևան, Գրիբոյեդովի 11 շենք, բն. 39»:

Սույն կանոնադրության փոփոխությունը հանդիսանում է «Դարեսկիզը» սահմանափակ պատասխանատվությամբ ընկերության 21.12.1999թ. գրանցված կանոնադրության անբաժանելի մասը:

ՀԱՍՏԱՏՎԱԾ Է

«ԴԱՐԵՍԿԻԶ» ՍՊԸ ՄԱՍՆԱԿԻՑՆԵՐԻ ԱՐՏԱՅԵՐԹ ԸՆԴՀԱՆՈՒՐ ԺՈՂՈՎՈՒՄ

արձանագրություն թիվ 2
16 սեպտեմբերի, 2002թ.




ԳՐԱՆՑՎԱԾ Է

ՀՀ ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ ՌԵԳԻՍՏՐՈՒՄ

Վկայական 02Ա 046847
Ծածկագիր 37469909
Գրանցման համարը 264.110. 04899
Գրանցման ամսաթիվը 21.12.99թ.

ԵՐԵՎԱՆԻ ԱՐԱՐԿԻՐԻ ՏԱՐԱԾՔԱՅԻՆ ԲԱԺՆԻ ՊԵՏ Ա ՂԵՂՈՍՆԵՐՍՅԱՆ



«ԴԱՐԵՍԿԻԶ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ՓՈՓՈԽՈՒԹՅՈՒՆ

«Դարեսկիզ» ՍՊԸ կանոնադրության հավելվածը կարդալ հետևյալ կերպ.

«ԴԱՐԵՍԿԻԶ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ՄԱՍՆԱԿԻՑՆԵՐԻ ՑՈՒՑԱԿ

Մասնակցի անունը, ազգանունը, անձնագրի տվյալները, հասցեն	«Դարեսկիզ» ՍՊԸ-ում ունեցած բաժնեմասը տոկոսներով կամ միավոր բաժնեմասով
Հակոբյան Աննա անձնագիր [redacted] Հասցե՝ [redacted] հեռախոս [redacted]	70
Գեւորգյան Հայկ անձնագիր [redacted] Հասցե՝ [redacted] փողոց, [redacted] հեռախոս [redacted]	20
Մակեյան Պետրոս անձնագիր [redacted] Հասցե՝ [redacted] [redacted]	10

ՀՀ Պետական Բեղադրի
Արաբկիրի շրջանի քառակուսի
Ելքի թիվ 2405
24. 09. 02թ.